

Ny Valosoa sy hadihady

Misy minia mikimpy manoloana ny loza hanjo ny firenena

Maro ireo manam-pahaizana eo anivon'ny andrimpanjakana no sahy minia mamono eritreitra fotsiny izao manoloana ny zava-tsy manjary amin'ny raharaha-pirenena. Azo lazaina mihitsy ho miray petsapetsa amin'ny mpanao ratsy ao anatin'izany aza izy ireo raha ny fahitana azy. Midika ihany koa izany fa mitsipa-doha amin'ny laka nitany izy ireo ary tsy mivaky loha manosihosy ny hasin'ny firenena. Ny firenena no nahatafita azy ireo, tsy misy adihevitra izany, kanefa ankehitriny dia tsy olana ho azy ireo ny lalana diavin'ny firenena, izay miroso man-kany amin'ny fahasimbana tanteraka. Io toe-javatra io dia ezahin'ireo olona migoka tombontsoa akaiky vilanin'ny fitondrana afenina andro aman'alina amin'ny fihetsika na fiteny laroin'ny politika mikatsaka, izay anampena-maso sy ahadonto sofina ny vahoaka tsy hahita sy handre ny marina tokony ho fantany. Fa oviana akory, na fotoana inona ny vahoaka Malagasy no mba nampahafantarina sy nanehona mangahaha marina, izay momba ny fitantanam-pirenena teto, na ny raharaha mafana nitranga nilàna fanazavana? Ny zavatra ambara mandrakariva amin'ny vahoaka teto dia efa namboamboarina avokoa, fa tsy araka ny tena marina velively. Porofo mitohoka amin'ny tendany amin'izany dia ny famoahana ny voka-pifidianana na ny vonjimaika na ny ofisialy, tam'in'ny fididianana nifanesy hatrany amin'ny fididianana filoham-pirenena ny taona 2019. Tsy misy badrahodra eto, ka tsy ahita ireny toe-javatra nanafenana ny ma-

rina ireny akory. Tsy maintsy mbola hivoaka anefa ny marina fa miandry fotoana ireny na dia ezahina ankehitriny afenina aza. Tsy maintsy mihodina io "kodiran-tsarety" io, hoy ilay manamboninahitra nanan-toerana teo amin'ny andrim-panjakana iray tam'in'ny fotoan'androny izay trathy ny fanenrehana azy, ary izao izy miara-dia amin'ny fitondrana. Fantany araka izany, fa tsy hijanona amin'izao toe-java-misy ankehitriny ezahin'izy ireo gejaina tsy hihetsika izao raharaha famongorana ny Marina eto amin'ity firenena ity izao. Na dia ezahina ampihorohoroana sy en-jehina aza ireo olom-pirenena vanona tsy manaiky ny tsy fahamarinana hanjaka eto amin'ny firenena, dia tsy afaka ny hihazona ny hihodinan'ny tantara ireo andian'olona mihazom-pahefana isan-tsokajiny, sy ireo manam-pahaizana mitana andraikitra eto amin'ity firenena ity. Ireo olom-pirenena vanona ireo dia tsy te ho hataon'ny taranaka fara aman-dimby any aoriania ho ao anaty kitapo iray amin'ireo mpiray petsapetsa ratsy ireo ho nanopotika sy nanao izay tsy hahavonna ny marina teto amin'ity firenena ity, ka ho melohin'izy ireo amin'izany fotoana izany. Tsy maintsy manao izay hiarovana ity firenena ity tsy handia ny lalana tsy mendrika azy ny olom-pirenena saro-piaro amin'ny hasin'ity Nosy malalantsika ity. Adidy masina ho an'ny tanindrazana sy ny taranaka any aoriania izany, fa asakasak'izay minia mikimpy anoloan'ny "loza hanjo" azy.

Sôh'son

PR HARIMALALA JOSEPH

Efa miaina ny vanim-potoana amin'ny andro farany isika

Sesilany indray ny fanehoan-kevitra manoloana ny adin'i Iran sy ny Amerikanina amin'izao fotoana. Samy maneho izay mba fantany ny rehetra any anaty tambazotran-tseraserany any mikasika io ady io. Ho an'i Pr Harimalala Joseph kosa dia ambaranay fa efa miaina ao anatin'ny vanim-potoanan'ny andro farany isika amin'izao fotoana araka ny ambaranay soratra masina ao amin'ny Timoty faharoa 3:1-5 manao hoe: "Fa any amparany any dia hisy andro mahaory. Fa ny olona ho tia tena, ho tia vola, ho mpandoka tena, mpiavonavona, miteny ratsy, tsy manoa ray sy reny, tsy misaotra, tsy manaja izay masina, tsy manam-pitiavana, mpahendrikendrika, tsy mahonom-po, lozabe, tsy tia ny tsara, mpamadika, mpieboebo, tia ny fahafinare-tana nohon'ny fitiavana an'Andriamanitra, manana ny endriky ny toe-pahanahy araka an'Andriamanitra nefä manahy ny heriny; ireny koa dia halaviryo". Araka izany hoy ity mpandinika ity, raha mierry ny zavamisy eto Madagasikara sy ny zavamisy maneran-tany dia efa miseho sy miharihary avokoa ireo voalazan'ny soratra masina ireo, raha tsy hilaza fotsiny ny tsy fajana ny fahamarinana izay miseho lany ankehitriny eto Madagasikara. Natakaloo vola nohon'ny fitiavantena sy ny fitiavambola araka io ambaran'ny

tenin'Andriamanitra io izany fahamarinana izany, ary dia ireny ny voka-pifidianana, izay feno 'hosoka sy halatra ireny no atolotra ny vahoaka hantrany ary dia voizina mafy fa lanim-bahoaka izy ireo, ka ireo fitoriana maro natao dia novaliana fotsiny hoe : "Azo raisina fa tsy mitombina", noho ny fitiavan-tena sy fitiavambola. Tokony ho tsaroantsika mandrakariva hoy ity mpandinika ity manoloana ireo mpitsara iny valim-pifidianana iny dia izao: tsy ankasitrahana'Andriamanitra ny manamaloka, na izay manameloka ny marina, satria samy fahavetavetana eo imason'i Jehovah izany araka ny voasoratra ao amin'ny Ohabolana 17:15. Noho izany dia aoka tsy anao an'Andriamanitra ho tsy misy isika ary aoka tsy hanao izay hahatezitra an'Andriamanitra, fa hoy ny voasoratra ao amin'ny Nahoma 1: 2-3 manao hoe: "Andriamanitra saro-piaro sy maly heloka Jehovah: Jehovah dia mpamaly heloka sady be fahatezera; Jehovah dia mpamaly heloka ny rafilahiny ary mitahiry fahatezera namelezany ny fahavolony. Maharipo Jehovah sady be hery ary tsy mety manamarina ny meloka; amin'ny tadio sy tafio-dri-votra no lalan'i Jehovah, ary rahona ny vovoky ny tongony". Fa etsy andain'izay dia am-panetren-tena no mbola anaovana



antso avo ho anareo mpitondra fanjakana ankehitriny amin'ny fijerena tsara kokoa ny tena laharan-pahamehana ho an'ny Malagasy ianana sy hitsonjovana izao fahantana ianana izao satria ny sosialim-bahoaka ve tsy misy, ka kianja no handaniam-bola aloha izao ? Ahiana mantsy ny hiaran'ny fahatezera'Andriamanitra tahaka ny naharavan'i Babylona ianareo, araka ny voasoratra ao amin'ny bokir'ny Apokalypsa 18: 4-8 satria tia fahafinaretana mihodata nohon'ny fitiavany an'Andriamanitra ianareo. Fa raha ho asiana resaka

indray ny momba ilay "Paniere Garni" dia tokony handinika ihany koa ianareo mpitondra sy ny ministéria voakasika, satria dia ireo mpampianatra tena mihosina amin'ny fahabeazana ireo ankizy madinika indray no zara raha ankasitrahana noho ireo mpivanga-bao miasa birao, kanefa anie, ka ireo mpampianatra ireo no nahaftonga ny rehetra amin'izay andraikitra misy azy ankehitriny io e? koa aoka samy handinika isika satria hoy ny tenin'i Jesosy Kristy ao amin'ny Galatiana 6:6 manao hoe: "Aoka izay mpianarina ny teny mba hahafoy zava-tsoa ho an'izay mampianatra", ary koa hoy ny soratra masina: "Aza manakombona ny vavan'ny omby mively vary ianao" ary koa: "ny mpiasa mendrika hahazo ny karmany", araka ny voasoratra ao amin'ny Timoty 5:18. Araka izany dia aoka hisaintsaina isika rehetra manoloana izay rehetra nambara androany fa velona sy mahery ny tenin'Andriamanitra.

Lezama

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.
Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Fitia R.

NY TENY FIAINANA

Salamo 135:6

Manao izay sitrapony rehetra Jehovah, na any amin'ny lanitra, na ety ambonin'ny tany, na any amin'ny ranomasina sy ny rano lanina rehetra."

Antenimierando holona

Nankalaza ny andron'ny manamboninahitra ny I2 january koa

Toy ny fanao isan-taona dia nandray anjara tamin'ny fankalazana « ny andron'ny Manamboninahitra », tam'in'ny I2 january teo, manerana an'i Madagasikara ireo Manamboninahitra ambony, ao amin'ny Antenimierando holona, izay notarihan'ny Talen'ny Fiarovana Klonely Ratsimbazafy Rinah Harivel, ny alahady teo. Nisy ny fanolorana fanomezana ho an'ny Filohan'ny Antenimierando holona Rivo Rakotovao, izay tonga nome voninahitra izany lanonam-pankalazana izany. Notolorana fanomezana ihany koa ny Filohan'ny vao-mieran'ny Fiarovana ny Loholona Rehosevo, manamboninahitra zokiny, sy ny talen'ny fiarovana, nandritra io fotoana io . Ny manamboninahitra farany zandriny amin'ny laharam-boninahitra, dia ny Liètnà Randriana-rivo Jérôme, no nandray ny fibaikoana tamin'izany. Nandritra io fotoana io ihany koa no nampisehoana ny horonan-tsary mirakitra ny tantaran'ireo mpianatra ho manamboninahitra teny amin'ny Akademia Miaramila Antsirabe. Nanambara ny Filohan'ny Antenimerando-holona Rivo Rakotovao, fa tokony ho tazonina hatrany ny teny faneva, izay napetraky ny miaramila Manamboninahitra hoe « ho an'ny Tanindrazana », ary tokony tsy atao ambanin-javatra ny fankalazana izany isantaona. Marihana fa ny 12 january 1967 no nitaky ny tombontsoany ireo mpianatra mpiofana tao amin'ny ACMIL noho ny antsojay nahazo azy ireo, ary ankala-zaina isan-taona izany daty izany hatramin'izao eto amintsika, ka ny manamboninahitra zandriny indray no mibaiko ny zokiny mandritra izany.

Stefan



Ny fankalazana ny I2 january tao amin'ny Antenimierando holona.

TONONKALO

Ambohitrimanjaka indray dia tsy hanaiky !

Ny mpanolotsaina va re no tsy tsara
Sa manoro vohony anao izy ireny ,
No manaoao foana , mandiso tantara
Amin`ny fomba sy ny asa ary koa ny fiteny ?

Resahinao foana ny hoe "velirano"
Ary lasa fiteny toa mampihomehy,
Ka mba tandremo sao dia hidiran'angano
Amin-java-tsy hay sady toa tsy voafehy !

Dia ianaro , fantaro koa `reo soatoavina
Zay vao manapaka na koa mandidy,
Fa aza variana amin'ny hazo be ravina,
(Toa misy voany kanefa mangidy !)

Ny vitan`ny ntaolo , tsy hoe tonga lafatra,
Saingy nasandrary ny voly vary.
Ny mpanjakantsika efa nanafatrafatra
Hoe fahavalony anie ny mosary.

Ka tena tsy rariny sy tsy azo ekena
Raha hoe hototofana ireo tanimby,
F'Ambohitrimanjaka tsy maintsy mitrena,
Manohitra mafy sy an-karihary !